



DEO OPTIMO MAX. UNI ET TRINO,

VIRGINI DEI PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA.

QUOD LIBET ARIIS DISPUTATIONIBUS,
*manè discutienda, in Scholis Medicorum, die Jovis trigesimâ-
primâ Martii, anno Domini M. DCC. XLVI.*

M. JOANNE LE THIEULLIER,
Doctore Medico, Præsîde.

An exercenda Chirurgia Juventus aptior?

I.



EDICINA sanitatis vindex, discussâ præjudiciorum nube si consideretur, una est & unica. Finis ipsi pariter unus; multiplex operandi ratio. Eadem, interna vel externa curat, non eodem modo. Illam proinde quasi penitus distractam, diversas in species sibi invicem æmulas, cave distinxeris. Subtilior hæc appellationum soboles, plurimorum errorum parens. Sufficiat nomen

Arti cuique suum. Medicum, ut eam cui se vovit scientiam, vox una designat. Hanc ratio, rationisque persæpè domitor, affinis hâc in re consecravit usus. Suus ac idem Arti, simul & eam exercenti finis. Uterque simili continetur officio. Posterioris (Medici nempe) *partium est*, ait Celsus, *eniti ad reperiendam sanitatem*. Eam itaque si restituerit absentem, aut præsentem con-

A

firmaverit, nonnè beneficium absolvit munus? Illud autem ut impleat, ad quot varia cogitur inflecti! Quantus ipsi labor exurgit! Quàm pertinaciter naturam interrogare necesse est! Eandem, quàm diversis tentare modis imperito plerumquè mutam, vel peritiori quandoquè difficilem! Hominibus ad nociva propensis, in vetita ruentibus leges imponendæ. Iis contraria suadet magistra blandior voluptas, cui, quò suaviora præscribit, eò lubentiùs obtemperatur. At illius qui capiuntur illecebris, eam brevè sentiunt multiplici malorum serie redimendam. Tùm diversa pro morborum indole prodeunt auxilia. Hæc imperat suis quæque distributa temporibus sapientissimi Viri consilium. Nunc severiori *diata* ministerio coercendus æger. Nunc salus ipsi redditur, eum invisit haurienda potionibus, quas sæcunda conficit *Pharmacia*. Nunc denique, mittendum esse sanguinem vasa turgidiora monent; addictum uni *Chirurgia* munus, non tamen unicum. Istam proindè quis neget utilem, cùm sit ipsa curantis Medicinæ pars? Illo certè claruit huc usquè nominc; illo se jactare deceat. Hæc eadem, utinàm in eo felicior! Sauciis opulari tentat heroibus, quos allicit gloria, truncati corporis solatium. Ad eam demùm pertinent casus omnes, in quibus, *oculata*, ut pingitur, *Chirurgi manum*, consilio Medici rectore, gubernari postulat ægri salus. Utrumque, si vulgo credatur, non dissimilibus modò commendari dotibus necesse est; ambos etiàm ætate discrepare convenit. Alterum jam senescentem, & annosâ gravitate verendum scrupulosius quærant non pauci; valentem alterum ferè æniversi, multòque firmiorem, *juvenem* plebs & Aula *Chirurgum* clamant. Huic frontem jam sulcato rugis, tractandos artus vix quisquam securus committat. Hunc timent omnes; hunc etiam ipsi similem, tremens & tardus perhorrescit senex. Mirum videtur, quòd ea mentibus hominum tam altè insederit opinio? Multitudinis istud effatum est, inquis, cui fidem adhiberi nùm deceat sanæ mentis homines? At multitudini, quod rarum equidè, ratio consentit, Virorumque doctissimorum auctoritas.

II.

ARS quævis, ut ritè exerceatur, necessarias quasdam exposulat animi corporisque conditiones. Illam cui profiteri propositum sit, discat ex iis, nùm suscipiat onus quod sustinere vires reculent. Lex ea *Chirurgia* communis. Hæc tota in addictis sibi versatur laboribus. Ab ipsâ quæcumque, suadente Medicinâ, peraguntur in humanum corpus, ut salus ipsi redeat, dicuntur *operationes*. In quibusdam ex iis, celeri ac veluti suspensâ manu; certâ & firmiore in nonnullis; in omnibus, solerti opus est ac peritâ. Tanta singulis difficultas inest! Tàm multiplicibus convenit instructum esse dotibus! Jam istæ quot & quantæ sint animadvertuntur. Hæc, si vè naturæ munera, si vè fuerint exercitio comparata, minimè possidentur, in annos servanda longiores. Habenda proindè ratio ætatis, quâ, celebrandis officiî operibus aptiorem eum esse judicatur. Consulere juvet eâ de re Latinorum Hippocratem, quem in medicis non audiendum quis audeat asserere? Ab illo Viro fas sit oraculum promi. *Esse autem Chirurgus debet adolescens, inquit, (a) aut cerè adolescentia propior; manu strenuâ, subili, nec unquàm intremiscente, eâque non minus sinistra, quàm dextrâ promptius; acie oculorum atri, clarâque. Ista Pertinere ad corpus tantum & ætatem. Mox ab eodem Autore eximio, cætera quæ operationes aggredienti necessaria censet evolvente, requiritur ut sit (b) animo intrepidus, immisericors; sic, ut sanari velit eum quem accepit, non ut clamore ejus motus, vel magis quàm res desiderat, properet; vel minus quàm necesse est, secet; sed perindè faciat omnia, ac si nullus ex vagitibus alterius afflatus oritur.* Hic sanè delineata videntur omnia, quibus commendari Chirurgus queat

(a) Cornel.
Cels. de re
Med. lib. vii.
Præfat. de
Chirurg.

(b) Idem,
ibid.

CONDITIONES igitur eas, qualescunque sint, ad duo capita revocare possis. Habet alterum, quibus obsirmeretur animus; alterum, quibus ad agendum, vir iis instructus efficiatur habilior. Utrisque pariter præpolere decet operantem. Plurimas artes pars quædam obscura sæpè deformat. Ab illis haud semper æqua lux undiquè diffunditur. Non eam, quæ *Matheſim* distinguit, Chirurgia exultans audaciùs affectet certitudinem. Ista quæ tam ambigiosè extollitur, tota ferè nititur sensibus. At ex iis errores quanti, quàm frequentes enascuntur! Iisdem quandoquè si nimium credere non reformides, ferrum inferas, quò non sit inferendum; Pus occultum, latentem-vè suspicaris undam; fluctuantis aliquid iudex deprehendit tactus: incidatur, pronunciatum est. Li-quorem expectas, ventus abijt. Tumes insuetà mole distensa pars: impurus inesse putatur latex. Apparent intùs schirrosæ carnes, *Sarcocœle* aperta est. In insictis quoque sclopetorum ictu vulneribus, quot pendentes ex simili fermè causâ casus audivimus! Immersum altè delitescit plumbum, & vi summâ raptum simul ex ambientibus aliquid. Cuncta mox extracta fuisse confiditur. Exploratum omni arte vulnus longo regitur remedium apparatu. Jam emicare purpureæ carnes incipiunt; jam refarciri quæ aberant. Omnia feliciter absoluta. Quid sanatus homo conqueritur? Cur internum accusat dolorem? Cur novâ torquetur sympr-matum accessione? Ferrum rursùs experiri cogitur miser, repetitosque subire cruciatus. Tandè educitur non visum antè corpus extraneum, à quo, quàm sæva potuissent suscitari pericula conicias! Ista verò si notissimis famâ viris interdum evenierint, nùm ipsis idèd nota tristior inurenda? Peccavere sensus. Peccant igitur, negantemque simili pœna doceri non optaverim. Illos proinde dùm volumus acie quam acutissimâ donatos, id operanti cujus necessitatis est, cujus utilitatis patienti! At exquisitori tactu, lumine acerrimo, manùs utriusque dexteritate, cuncta quæ desiderantur expressâ nè putes. Mens quoque accedat dilucida, constans, sui compos, piè obdurata; & quam omni tempore parem operi præstando reperias. Hæc omnia quare non fuerunt ætati cuius propria? Quare provectioni invidentur, & hominem malè deficiunt, cujus tùm expectantiam labores multi maximè debeant commendare?

I V.

OPERATIO Chirurgica quæ naturæ succurrit, ipsi pessima inferat, ni rectè perficiatur. Præbenda impuro latici via, sed ea tantum quæ sufficiat. Auferendæ carnes, quibus mors invehatur vicinis, at nec parcendo nimium, nec nimium lædendo. Captivis si reddenda partibus libertas, strangulata solvantur, non immo dico vulnere. Pungit vesicam *calculus* & impedit, rediivis assidue torquens doloribus. Extrahatur, eo temporis spatio, quò, nec præcipiti festinatione pars quædam fugitiva remaneat, nec crudeli morâ vires exhauriantur. Ferrum deniquè, in omni casu, necessitas adhibeat, strenua tractet celeritas, solertia regat. Nùm verò memoratas adimplere condiciones sustinuerit tardior senectus, ipsivè affinis ætas? Ubinam tùm illa *stabilis*, nec unquam *intervenſcens* manus? Ubi sinistra dextræ promptioris æmula? Utraque gravis & incerta nequiquam excitatur, vel ad opus tentat exurgere. Non jam infidi sensus accusentur; sed potiùs condonetur error, cujus heu nimiam habent excusationem! Non ad imperantem animâ nutum vel rigidi, vel imbecilles flectuntur artus. Ab illâ, jura dantur imbellibus; eadem propè funeratis præest. Induruere quæ molliâ fuerant, aridis penè nutritii succi fontibus: quæ firmiora, nimis riguere. Plures etiâ nondum annis quassatos invadit pars horum quæ ipsis esse aliena deberent, immaturâ senectutis imagine. Conspicias, quos breviorẽ vitam, eamque suaviorem, longiori anteposuisse non existimes, quibus antè diem debilitari corpus videatur, sensus hebescere: juvenes ætate, habitu & re senes. Hæc omnia cum juventutem rariorâ, vel potiùs ferè nulla premit, ad eam

confugiendum esse quomodò dubitetur? Hanc unam si Chirurgicis laboribus idoneam paulò severius dictum crederetur, iis saltem aptiorem esse pronunties. Hæc laudatâ dexteritate præ cæteris pollet ætatibus. Hæc visu, tactuque eximio cuncta dijudicat. Hæc demùm ad omne quodvis omni tempore parata, collectis animi corporisque luculenter instructa dotibus eminet: strenua; non lentiori cunctatione enecans, non præceps; manu firmâ, non gravi; mente tandèm, ut par est, intrepida. Eadem ubi accersitur, non tantum incutiat terrorem: conspectu juvenili truci apparatus minui quodammodo diceres formidinem. Solertem sibi præcipuè dextram vindicat illa, quæ ut *operationum frequentissima, sic etiam periculossima* putatur à nonnullis *vena fœliio*. (a) Tùm verò fit tui te cura tangat, periculosissimam eligas, ne tuo crescat infortunio sauciorum numerus.

(a) Vid. The-
anno 1743,
in Sch. præp.
Cl. Viro M.
Bertrand, D.
Med. Præf.

V.

NON accedat igitur ad celebrandos Chirurgicæ muneris actus, quem jam ab illis ætas, spectandaque civium salus deterreat. Valeat senilis manus. Arceantur, quibus hebetem oculorum aciem vitro reparari necesse sit. Longiori exercitio freti, quod hucusquè præstitere nullius damno, id nè confidant in posterum pari modo se præstituros. Annis itaque monentibus, dum salvâ licet ipsorum famâ, obtemperent. Quid eam simul & hominum vitam in discrimen juvet adducere? Melius gloriæ suæ consultum arbitrentur, si eam nullo sinant amittendam casu. At juvenem volumus (inquiunt) exercendæ Chirurgiæ idoneum, illâ ætate, quâ vix eam nunc ediscendam suscipiat. Resp. 1^o Juventutem illam quam tractandis operationibus aptiorem contendimus, severius non esse accipiendam, nec angustioribus coercendam limitibus; 2^o non posse maturius ad artem institui, quam citius deferere temporis dura necessitas coget. Ad illam proinde ab ipsâmet pueritiâ Chirurgus informetur; non tardius conquirecat; dictumque sibi Horatianum istud existimet;

Solve senescentem maturè sanus equum, nè

Peccet ad extremum.

Ergò exercendæ Chirurgiæ juvenis aptior.

DOMINI DOCTORES DISPUTATURI.

M. Jeanne-Claudius Mmier, M. Petrus Poissonnier, Professor M. Jacobus-Antonius Millet,
Consultarius Medicus Regis ordi- & Censor Regius.
narius, & Domus Regiæ In-
validorum.

M. Ludovicus-Renatus Marieau.
M. Josephus Lallemand.

M. Antonius le Camus.

M. Claudius Bourdier de la Mou-
lire.

M. Michaël Pezget.

M. Claudius-Antonius Renard.

Proponebat Parisiis, LUDOVICUS-GABRIEL DUPRE', Remensis,
Saluberimæ Facultatis Medicinæ Parisiensis Baccalaureus A. R. S. H.
1746, à sextâ ad meridiem.